

Cov Lus Qhia Qhov Tseeb Txog Kab Mob Malaria rau Cov Neeg Mus Ncig

Kab mob malaria yog dab tsi?


Malaria yog ib yam mob uas koj tuaj yeem tau txais los ntawm yoov tshaj cum tom. Tsis muaj tshuaj tiv thaiv los tiv thaiv koj ntawm tus kab mob



malaria. Malaria tuaj yeem ua rau mob hnyav heev. Txoj hauv kev zoo tshaj los tiv thaiv kab mob malaria yog los ntawm kev zam tsis pub yoov tshaj cum tom thiab noj tshuaj thaum koj mus ncig thiab tom qab koj rov qab los. Tib neeg tuaj yeem tuag taus nyob rau hauv sij hawm 12 teev txij li lub sij hawm lawv pib mob, txawm tias lawv twb tau mob malaria ua ntej lawm los xij.

Qhov chaw twg uas kab mob malaria yog ib qho teeb meem?

Malaria muaj nyob rau hauv ntau lub teb chaws. Cov teb chaws uas muaj cov tsos xim liab thiab daj yog qhov chaw uas koj yuav muaj kev pheej hmoo kis tau tus kab mob malaria.



Leej twg tuaj yeem kis tau tus kab mob malaria thaum mus ncig?



Txhua tus neeg mus ncig-cov me nyuam THIAB cov neeg loj-uas mus rau cov teb chaws uas muaj mob malaria yuav tsum tau noj cov tshuaj muaj daim ntawv yuav tshuaj thiab ua zoo zam tsis txhob pub yoov tshaj cum tom thaum koj mus ncig.

Koj TSIS MUAJ KEV NYAB XEEB los ntawm kab mob malaria yog tias koj twb tau mob ntau zaus nyob rau yav dhau los. Tib neeg yuav muaj qee qhov kev tiv thaiv kab mob

malaria yog tias lawv twb tau mob ntau zaus nyob rau sij hawm dhau los tab sis qhov kev tiv thaiv yuav ploj mus, feem ntau yog nyob hauv ib lub hlis thaum tawm ntawm thaj chaw uas muaj kab mob malaria. Noj cov tshuaj tiv thaiv kab mob malaria thiab kev zam tsis pub yoov tshaj cum tom yog txoj hauv kev zoo tshaj plaws los ua kom koj thiab koj tsev neeg nyab xeeb.

Malaria tuaj yeem ua rau cov me nyuam yaus mob hnyav heev, tshwj xeeb mas yog cov me nyuam yaus uas ib txwm nyob hauv lub Teb Chaws Meskas. Cov me nyuam yaus los sis cov neeg loj uas tsis tau mob malaria dua tuaj yeem tuag taus sai thaum lawv mob thawj zaug.

Yuav ua li cas yog tias kuv cev xeeb tub?

Kev kis tau tus kab mob malaria thaum koj cev tab tom xeeb tub tuaj yeem muaj kev phom sij rau koj thiab koj tus me nyuam mos. Qhov zoo tshaj plaws yog tsis txhob mus ncig qhov chaw uas muaj mob malaria thaum lub sij hawm koj cev xeeb tub.

Yog tias koj yuav tsum tau mus ncig, muaj cov tshuaj noj tiv thaiv kab mob malaria uas nyab xeeb rau noj thaum lub sij hawm cev xeeb tub. Koj tus kws kho mob yuav pab koj xaiv cov tshuaj uas zoo tshaj plaws rau koj.



Cov tso mob ntawm tus kab mob malaria yog dab tsi? Kuv yuav tsum ua dab tsi yog tias kuv muaj cov tsos mob no?



Cov tsos mob ntawm tus kab mob malaria muaj xws li ua npaws, tshee, ua daus no, mob taub hau, mob ib ce, thiab gaug zog. Tej zaum koj yuav hnov zoo li koj mob khaub thuas. Tej zaum koj kuj yuav xeev siab, ntuav, los sis raws plab. Malaria tuaj yeem ua rau tuag tau yog tias nws tsis tau txais kev kho sai. Txhua tus neeg taug kev uas mob ua npaws los sis mob khaub thuas yuav tsum mus cuag kws kho mob. Koj tuaj yeem mob malaria thaum mus ncig los sis tom qab rov qab los rau lub Teb Chaws Meskas. Qhia rau koj tus kws kho mob tias koj nyob hauv ib lub teb chaws uas muaj kab mob malaria thiab xav mus kuaj mob malaria.



Yog xav paub ntxiv txog mob malaria, mus saib hauv www.cdc.gov thiab nrhiav 'malaria.'

Txhawm rau saib seb puas muaj kev pheej hmoo mob malaria ntawm cov chaw koj mus ncig, mus saib www.headinghomehealthy.com